




N. Hemmingius
Assertiones
de Evangelio.

Hafn. 1579,




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4^o copy 1






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4^o copy 1

3. - 157.

40


BOX

LN 759

ex. 1

M





ASSERTIONES
DE EVANGELIO,
PROPOSITÆ IN DISPV.
TATIONEM

NICOLAO HEMMINGIO.

II. February, Anno Domini

1579.

1579



H A F N I A E

Impressit Andreas Gutteruitz.
Anno M. D LXXIX.

ASSERTIONES

DE EVANGELIO

THEOTOPHILUS IN DICTA

TATIONEM

NICOLAUS HEMMINGIUS

in Evangelio, Anno Domini

1557

HAFNIA

Impressum in Officina

JOHANNIS GYLLI



1.

Euangelium est leta annunciatio
Salutis, homini perduto per Chri-
stum partæ.

2.

Seu vt apertius cum Luca di-
camus: Euangelium est vniuersa-
lis prædicatio conuersionis & remissionis peccatorum
in nomine Christi.

3.

Hæc definitio euoluta quatuor ordine spectanda
continet, videlicet quidnam offerat Euangelium, qui-
bus, qua cum conditione, cuiusq; merito. Hæc quatuor
rectè explicata quæ sit Euangelij vis nobis probè do-
cebant. Quare ordine de his, sed breuissimè dicemus.

DE PRIMO.

4.

Quid offert Euangelium? Remissionem pecca-
torum.

5.

Hic tria simul sunt cogitanda, vt intelligatur
quam letus sit nuncius Euangelium, videlicet quid
præcedat remissionem peccatorum, quid cum ea con-
iunctum sit, quidq; eam comitatur.

A 2

Præce.

6.

Præcedit remissionem peccatorum, peccatum, reatus, ira Dei, maledictio, tristissima seruitus sub Sathana, & obligatio ad æternas pœnas.

7.

Cùm ergo Euangelium prædicat remissionem simul prædicat liberationem à peccato, à reatu, ab ira Dei, à maledictione, à tristissima seruitute Diaboli, & ab obligatione ad æternas pœnas.

8.

Coniuncta sunt cum remissione peccatorum, iustificatio, regeneratio, adoptio, libertas, liber ad Deum accessus, & arctissima quedam cum Deo coniunctio.

9.

Sequuntur remissionem peccatorum immortalitas, gloria sempiterna, fruitio Dei in omnem æternitatem, breuiter constans beatitudo & felicitas.

10.

Qui hinc non potest colligere quàm sit leta annuntiatio Euangelium, asinus potius quàm homo censendus est.

DE SECVNDO.

11.

Quibus offert Euangelium remissionem peccatorum? peccatoribus, ijsq; omnibus absq; discrimine ordinum, conditionum & nationum.

Sit

12.

Sic enim veritas dicit: prædicate Euangelium omni creaturæ, intelligens per omnem creaturam omnes homines, cuiuscumq; ordinis, conditionis aut nationis fuerint.

13.

Qui ergo negant gratiam Euangelij vniuersalem esse, Euangelij gratiam impiè contrahunt, Christo se opponunt, & miserè se ipsos & alios seducunt.

DE TERTIO.

14.

Qua cum conditione offert Euangelium remissionem peccatorum omnibus peccatoribus? cum conditione μετανοίας, hoc est conuersionis ad Deum per fidem in Iesum Christum.

15.

μετανοία seu conuersionem præcedit dolor secundum Deum, qui vt ex offensa Dei in corde hominis nascitur ad prædicationem legis, ita μετάνοια concipitur in hominis corde ad prædicationem Euangelij, in qua spiritus sanctus est efficax.

16.

Est autem conditio μετανοίας & fidei eadem, nam per fidem fit conuersio, ideo Dominus mandato de prædicando Euangelio omnibus gentibus addit: quisquis crediderit saluus erit,

A 3

VI

17.

Vt autem conditio fidei seu μετανοία requiritur, ut applicetur beneficium, ita conditio perseverantiæ necessaria est, ut retineatur acceptum.

18.

Ideo Autor Epistolæ ad Hebræos dicit: Participes Christi effecti sumus, si tamen initium fiduciæ eius usq; ad finem firmum tenuerimus. Item qui perseveraverit usq; ad finem hic saluus erit.

19.

Hæc perseverantiæ conditio euertit dogma eorum, qui sentiunt hominem, qui semel cepit credere, non posse amittere fidem, quasi fides esse posset vastata conscientia, & expulso de corde spiritu sancto.

20.

Vt ergo μετανοία salutarem præcedit dolor secundum Deum, ita eandem necessario comitatur noua obedientia, sine qua conuersio seu fides retineri non potest.

21.

Atq; hinc est quod pij in Ecclesia doctores tres pœnitentiæ seu conuersionis partes faciant, videlicet contritionem, fidem, per quam fit conuersio, & nouam obedientiam.

DE

DE QVARTO.

22.

Cuiusnam merito Euangelium offert pœnitentibus remissionem peccatorum? Solius Christi mediatoris, ideo ait oportet prædicari remissionem peccatorum in nomine meo.

23.

Hæc locutio, in nomine meo, vnum excludit, alterum includit: excludit meritum hominis pœnitentis, & includit, meritum Christi passi pro nobis, & resuscitati.

24.

Porro triplex meritum Christi ex scripturis statuitur, videlicet mortis, obedientiæ, & intercessionis.

25.

Meritum mortis Christi abolet peccatum iuxta illud: ecce Agnus Dei qui tollit peccatum mundi. Item Christus semel oblatus est ad multorum haurienda peccata, Item sanguis Christi emundat conscientias ab operibus mortuis.

26.

Meritum obedientiæ Christi, qua videlicet legi satisfactum est, nobis confert iusticiam. Nam Christus suam obedientiam nobis imputat, quâ iusti appareamus in conspectu Dei. Ideo Paulus ait: Christus est finis legis in iusticiam omni credenti.

Meritum

27.

*Meritum intercessionis est, quo reconciliamur
Deo per mediatorem Dominum nostrum Iesum Chri-
stum.*

28.

*Neg, si Paulo credimus, competit ulli interces-
sionis dignitas nisi ei qui dedit se ipsum ἀντίλυτρον pro
omnibus. 1. Tim: 2.*



